

Uslovi korištenja – Kia nalog

1 Uvod

1.1 Kia želi da vam ponudi usluge kako bi vaše Kia iskustvo bilo što sigurnije, jednostavnije i prijatnije. Zato vam Kia nudi „Kia nalog“. Kia nalog je jedinstven, lični i neprenosivi nalog koji omogućava korištenje različitih usluga koje pruža Kia i/ili eksterne kompanije. Te usluge mogu obuhvatati online usluge, aplikacije i druge softverske usluge. Takve usluge možete koristiti samo uz svoj Kia nalog.

1.2 U slučaju pitanja u vezi sa Kia nalogom, pozovite naš korisnički centar na broj:

- Belgijë/Belgique: +32 80069706970
- France: +33 969 320 600
- United Kingdom: +44 3332022990
- Deutschland: +49 800 777 3044
- Sverige: +46 840 044 300
- Nederland: +31 888 542542
- España: +34 91 304 31 90
- Italia: +39 848 582 588
- Irska: +35 3818300007
- Magyarország: +36 80 315 542
- Polska: +48 605542542
- Österreich: +43 1734290010
- Slovensko: +421 232 421 341
- Česko: +42 0222999333
- Norge: +47 679 70 700
- România: +40 213 125 005
- Ísland: +354 590 2130
- **Bosna i Hercegovina:**

2 Uslovi korištenja

2.1 Označavanjem polja u procesu prihvatanja, prihvatate ove „Uslove korištenja“ i zaključujete ugovor sa Kia Connect GmbH, Theodor-Heuss-Allee 11, 60486 Frankfurt, Njemačka (u daljem tekstu „Kia“, „mi“, „nas“ ili „naš“) o kreiranju i korištenju jedinstvenog Kia naloga (kako je dalje opisano u odjeljku 3 u nastavku) za pristup i/ili upravljanje povezanim uslugama, koje su dodatno opisane i podležu „Posebnim uslovima korištenja“. Takvi Posebni uslovi korištenja mogu ograničiti upotrebu usluga i/ili mogu zahtijevati povezivanje Kia naloga. U slučaju neusklađenosti između ovih Uslova korištenja i važećih Posebnih uslova korištenja, prednost imaju Posebni uslovi korištenja.

2.2 Korištenje Kia naloga dozvoljeno je samo punoljetnim licima.

2.3 Ako vaš(i) uređaj(i) nisu opremljeni neophodnim tehničkim funkcionalnostima ili ne ispunjavaju zahtjeve ovih Uslova korištenja, nismo u obavezi da vam obezbijedimo Kia nalog.

2.4 Korištenje Kia naloga može zahtijevati pristup internetu ili druge telekomunikacijske usluge. Ovi Uslovi korištenja se ne primjenjuju na telekomunikacijske usluge koje mogu biti potrebne za korištenje Kia naloga. One su predmet posebnog ugovora (uključujući naknade) sa pružateljem vaših telekomunikacijskih usluga.

2.5 Korištenje Kia naloga je besplatno.

2.6 Da biste pristupili određenim uslugama, možda ćete morati da povežete svoj Kia nalog sa jednim ili više Kia vozila. To je uređeno važećim Posebnim uslovima korištenja.

- 2.7 Podaci koje pružate prilikom kreiranja Kia naloga moraju biti tačni. Podaci prikupljeni u vezi sa Kia nalogom obuhvataju:

Vaše ime, oslovljavanje, vaša adresa e-pošte, vaš broj telefona, lozinka, država, željeni jezik, činjenica da ste prihvatili ove Uslove korištenja.

- 2.8 Kia nalog se kreira za korištenje u skladu sa ovim Uslovima korištenja. Ako je potrebno, možemo vas kontaktirati na adresu e-pošte koju ste naveli prilikom registracije svog Kia naloga, u okviru Kia naloga.

3 Izmjene Uslova korištenja

Povremeno možemo na razuman način izmijeniti ove Uslove korištenja ili funkcionalnosti Kia naloga. O izmjenama ćete biti obaviješteni e-poštom ili nekim drugim načinom obavješćavanja. Ako se tim izmjenama ne usprotivite u pisanoj formi u roku od četiri sedmice od prijema obavješćenja, smatraće se da ste ih prihvatili. Izričito ćemo vas obavijestiti o pravu na odbijanje i posljedicama šutnje.

4 Ograničenja korištenja

- 4.1 Ne smijete koristiti Kia nalog protivno odredbama ovih Uslova korištenja.
- 4.2 Također, ne smijete koristiti Kia nalog na način kojim se krše važeći zakoni ili propisi, kao što su prava intelektualne svojine ili saobraćajni propisi. Zabranjena je i upotreba koja ugrožava sigurnost Kia naloga, kao i upotreba koja bi mogla da dovede u pitanje ili naruši tehničku infrastrukturu kompanije Kia ili trećeg lica, ili korištenje Kia naloga od strane drugih korisnika. Pored toga, ne smijete oštetiti, onemogućiti ili na drugi način ometati funkcioniranje Kia naloga niti u Kia nalog unositi bilo kakve viruse, „crve“, malware, špijunski softver, „trojance“ ili bilo koji drugi štetni kod ili program koji bi mogao ugroziti rad Kia naloga.
- 4.3 Kia nalog zahtijeva lozinku. Treba da odaberete lozinku koja je dovoljno sigurna da zaštiti od pristupa trećih lica. Možemo propisati pravila o tome šta se smatra dovoljno sigurnom lozinkom. Odgovorni ste za čuvanje lozinke u tajnosti i za to da je ne otkrivete trećoj strani. Ako sumnjate da je treća strana neovlašteno došla do vaše lozinke, odmah je promijenite. Ako sumnjate da je trećoj strani neovlašteno omogućen pristup uslugama putem vašeg Kia naloga, odmah kontaktirajte našu korisničku podršku (vidjeti odjeljak 1.2).

5 Prava intelektualne svojine

- 5.1 Cjelokupan sadržaj Kia naloga vlasništvo je kompanije Kia, njenih neposrednih ili posrednih podružnica i povezanih društava (u daljem tekstu zajednički „**Kia Grupa**“) ili trećih lica i zaštićen je važećim propisima o autorskim pravima, uz sva zadržana prava. Sva prava na Kia nalog, pripadajući softver, sadržaj i strukturu pripadaju Kia Grupi i njenim davaocima licenci. Ne smijete prodavati, distribuirati, objavljivati, emitirati, stavljati u optičaj ili komercijalno iskorištavati Kia nalog ni na koji način bez naše izričite pisane saglasnosti. Ne smijete reproducirati (u cjelini ili djelimično), prenositi (elektronskim putem ili drugačije), mijenjati, prikazivati, ponovo isporučivati, licencirati, povezivati linkom ili na drugi način koristiti Kia nalog u javne ili komercijalne svrhe bez naše prethodne dozvole.
- 5.2 Ništa u ovim Uslovima korištenja ne smije se tumačiti kao davanje licence ili prava na korištenje bilo koje slike, žiga, Kia znaka ili logotipa, koji su svojina Kia Grupe. Kia Grupa zadržava sva prava u pogledu svojih vlasničkih informacija ili materijala u vezi sa Kia nalogom i sprovodiće ta prava u punoj mjeri u skladu sa važećim propisima o autorskim pravima i žigovima.

6 Korisnički sadržaj

Kia ne polaže pravo vlasništva na sadržaj koji učinite dostupnim putem Kia naloga i ništa u ovim Uslovima korištenja ne ograničava vaša prava na korištenje tog sadržaja.

7 Odgovornost

7.1 Ugovorna i zakonska odgovornost kompanije Kia za štetu prouzrokovanu običnom nepažnjom ograničava se, bez obzira na pravni osnov, kako slijedi:

- a) Kompanija Kia odgovara do iznosa štete tipične za ovu vrstu ugovora uslijed povrede bitnih ugovornih obaveza;
- b) Kompanija Kia ne odgovara za običnom nepažnjom izvršenu povredu bilo koje druge primjenjive obaveze dužne pažnje.

7.2 Navedena ograničenja odgovornosti ne primjenjuju se na obaveznu zakonsku odgovornost, posebno na odgovornost za namjerno nedopušteno postupanje, odgovornost u skladu s primjenjivim zakonima o odgovornosti za proizvode i odgovornost za krivicom prouzrokovane lične povrede. Pored toga, takva ograničenja odgovornosti ne primjenjuju se ako i u mjeri u kojoj je kompanija Kia preuzela posebnu garanciju.

7.3 Odjeljci 7.1 i 7.2 se primjenjuju na odgovornost kompanije Kia za nepotrebne troškove.

7.4 Dužni ste da preduzmete razumne mjere radi sprečavanja i umanjenja štete.

7.5 Gore navedeno isključenje odnosno ograničenje odgovornosti primjenjuje se u skladu sa važećim obaveznim propisima.

8 Zaštita podataka

Informacije o tome kako prikupljamo i obrađujemo lične podatke u vezi sa Kia nalogom potražite u našem Obavještenju o privatnosti – Kia nalog. Posebne informacije o obradi podataka povezanoj sa uslugama koje nisu Kia nalog nalaze se u Obavještenjima o privatnosti odgovarajuće usluge.

9 Trajanje

9.1 Kia nalog možete koristiti od dana kada ste se registrirali za Kia nalog.

9.2 Svoj Kia nalog možete deaktivirati u bilo kom trenutku. Nakon deaktivacije naloga, on se više ne može koristiti za prijavu u povezane usluge. U tom slučaju, za nastavak korištenja tih usluga neophodna je reaktivacija postojećeg Kia naloga ili kreiranje novog Kia naloga.

9.3 Isto tako, ovaj ugovor možete raskinuti u bilo kom trenutku. Tada ovi Uslovi korištenja prestaju da važe. Ako je postojanje Kia naloga neophodno za korištenje neke usluge, raskid stupa na snagu najranije u trenutku kada prestane obaveza pružanja te usluge. Ako je više usluga povezano sa vašim Kia nalogom, za raskid je mjerodavan ugovor sa najdužim trajanjem.

9.4 Zadržavamo pravo da trajno ili privremeno blokiramo i/ili ukinemo pravo korištenja Kia naloga u slučaju bitne povrede ovih Uslova korištenja i, u slučaju bitne povrede ovih Uslova korištenja, da raskinemo Uslove korištenja.

10 Razno

10.1 Ovi Uslovi korištenja predstavljaju cjelokupni sporazum stranaka u pogledu korištenja Kia naloga i zamjenjuju sve ranije sporazume, pisane ili usmene, između stranaka u vezi sa predmetom.

- 10.2 Odstupajući, protivni ili dopunski uslovi korisnika primjenjivaće se na korištenje Kia naloga samo ako ih izričito prihvatimo u pisanom obliku.
- 10.3 Ovlašćeni smo da svoja prava i obaveze po ovim Uslovima korištenja u cjelini ili djelimično prenesemo na drugog pružaoca usluga uz prethodno obavještanje korisnika u roku od 6 sedmica. U tom slučaju, korisnik ima pravo da raskine ugovor u roku od mjesec dana od prijema obavijesti, sa dejstvom u trenutku namjeravanog ustupa prijenosa ugovora primatelju. U obavještenju ćemo izričito obavijestiti korisnika o ovom pravu na raskid.